

Rhifyn Saith
HYD 2022



GIG
CYMRU
NHS
WALES

Iechyd a Gofal
Digidol Cymru
Digital Health
and Care Wales

CIPOLWG AR Y BWRDD



Croeso i Gipolwg ar y Bwrdd, fel aelodau Bwrdd yr Awdurdod Iechyd Arbennig, rydym i gyd yn teimlo ei bod yn bwysig eich diweddaru am rywfaifnt o'r gwaith rydym yn ei wneud ar draws y sefydliad ac yn GIG Cymru. **Daw'r rhifyn hwn gan Sarah-Jane Taylor** ein Cyfarwyddwr Pobl a Datblygu Sefydliadol

Annwyl gyfeillion/ Dear colleagues,

Roeddwn wrth fy modd pan ofynnwyd i mi rannu diweddariad gyda phawb ar gyfer Cipolwg ar y Bwrdd y mis hwn yn dilyn y diweddariad diwethaf ym mis Awst gan Rowan Gardner, ein Haelod Annibynnol.

Mae mis Medi yn fis pwysig yng nghalendr blyneddol y sefydliad gan ei fod yn nodi canol y flwyddyn ac o

ganlyniad mae'r Bwrdd a'r Tîm Gweithredol wedi bod yn hynod o brysur mewn ffyrdd gwahanol.

Roedd yn fis arbennig i mi yn benodol, oherwydd wedi misoedd o lunio strategaeth newydd Pobl a Datblygu Sefydliadol Iechyd a Gofal Digidol Cymru fe gafodd ei hadolygu gan gyfarfod y Bwrdd a'i chymeradwyo ym mis Medi.

Fel rhan o'r Strategaeth Pobl a Datblygu Sefydliadol mae Gwerthoedd newydd Iechyd a Gofal Digidol Cymru wedi'u cymeradwyo a hoffwn gymryd y cyfle hwn i hyrwyddo'r rhain a gwthio ein gwerthoedd ar draws y sefydliad a byddwn yn eich annog i gyd i lofnodi'r addewid. Cliciwch y ddolen ac ewch i waelod y dudalen [Siapio Ein Gwerthoedd Newydd \(sharepoint.com\)](https://sharepoint.com) sy'n nodi manylion ynghylch beth i'w wneud a phwy i'w e-bostio ar ôl ei gwblhau.

Bydd hyn yn arwydd clir bod hyn yn rhywbeth sy'n bwysig i chi fel aelod o Iechyd a Gofal Digidol Cymru. Pan fyddwn yn derbyn y rhain yn ôl, byddwn yn cynnwys eich addewid wedi'i lofnodi ar ein Bwrdd Addewidion rhithiwr. Byddwn yn ddiolchgar os gallwch ystyried gwneud hyn dros yr wythnosau nesaf.

Roedd hyn yn dilyn Sesiwn Datblygu'r Bwrdd yn gynharach ym mis Medi pan wnaeth y Bwrdd cyfan gwrdd yn y swyddfa yng Nghaerdydd a chroesawyd Marilyn Bryan-Jones ac Alistair Klass Neill i'r tîm. Roedd y sesiwn yn gyfle i ni gyd gwrdd a chroesawu'r ddau aelod annibynnol newydd a fydd, yn fy marn i, yn ychwanegiad gwych i dîm y Bwrdd. Roedd y ddau yn bresennol yn y Bwrdd am y tro cyntaf ym mis Medi a chawsant

eu croesawu'n ffurfiol gan Simon Jones, Cadeirydd Bwrdd Iechyd a Gofal Digidol Cymru. Bydd Marilyn yn gweithio'n agos gyda mi fel Hyrwyddwr Cydraddoldeb a Chynhwysiant dros y Bwrdd. Rwy'n edrych ymlaen yn fawr at ddod i'w hadnabod a chael ei mewnbwn, mewnwleidiad strategol a mwy o werth ar draws y gwahanol feysydd gwaith proffil uchel y byddaf i a'r tîm datblygu sefydliadol yn gweithio arnynt i'n cefnogi i gyflawni'r nod o gael ein hadnabod fel sefydliad amrywiol a chyflogwr digidol delfrydol.

Yn Sesiwn Datblygu'r Bwrdd, cafodd pob un ohonom gyfle i fynd trwy ein dull arfaethedig o ran Cyfrifon Cyhoeddus a Gweinyddiaeth Gyhoeddus, cydadolygiad y Pwyllgor Iechyd a Gofal Cymdeithasol o Iechyd a Gofal Digidol Cymru. Fel Bwrdd rydym yn edrych ymlaen at y cyfle i arddangos gwaith gwych Iechyd a Gofal Digidol Cymru yn y sesiwn lafar ddiwedd y mis. Yna, cefais gyfle i gyflwyno'r Strategaeth Pobl a Datblygu Sefydliadol ddrafft a chynhaliwyd sesiwn holi ac ateb i ganolbwyntio ar y manylion, gan roi cyfle i mi roi sicrwydd bod ymrwymiad i'r holl feysydd pwysig gyda chynlluniau gweithredu cefnogol.

Roedd y Stori Gwrando a Dysgu yng nghyfarfod Bwrdd mis Medi yn gyfle gwych i glywed gan Lyn Rees, Microsoft 356 a Dr Owen Weeks o Gwm Taf Morgannwg a rannodd yr hyn a ddysgwyd o ddigwyddiad seiber diweddar. Roedd yn wych clywed am y gweithio mewn partneriaeth â Iechyd a Gofal Digidol Cymru, Clinigwyr a rhanddeiliaid allweddol ar draws GIG Cymru.

Cyflwynodd Rachel Powell, Cyfarwyddwr Cyswllt Gwybodaeth, Deallusrwydd ac Ymchwil y Strategaeth Ymchwil arfaethedig yn sesiwn Datblygu'r Bwrdd ac yng nghyfarfod y Bwrdd a chafodd groeso cynnes a chymeradwyaeth. Yn olaf aethom drwy a chadarnhau ein hymagwedd at y Cynllun Tymor Canolig Integredig ar gyfer 2023-25.

Yng nghyfarfod y Bwrdd rydym yn cael cyfle i drafod ac adolygu pa nodweddion cymorth y mae'r sefydliad wedi'u rhoi ar waith er mwyn i'r gweithlu helpu gyda'r heriau costau byw y gall pobl eu hwynebu'r gaeaf hwn ac mae hyn yn rhywbeth rwy'n teimlo'n wirioneddol gefnogol ohono.

Gan ein bod yn gweithio mewn modd hybrid bellach, mae'n bwysig sicrhau ein bod ni i gyd yn cymryd yr amser i ymrwymo i'n sesiynau un i un ac i siarad â'n timau'n wythnosol a neilltuo

amser i sicrhau bod gwiriadau llesiant a thimau yn digwydd ac yn gweithio'n effeithiol.

Wrth i mi ysgrifennu hwn heddiw, mae'n Fis Iechyd Meddwl y Byd, ond i mi, bob wythnos o bob mis, mae angen i bob un ohonom gymryd amser i gefnogi ein gilydd er mwyn

- arwain pobl yn dda
- cynllunio a chynnig cyfleoedd dysgu a datblygu
- ymrwymo i gydnabyddiaeth ac adborth
- hyrwyddo gwaith tîm
- neilltuo amser i gyfeillio ag eraill
- gweithredu gyda gofal a charedigrwydd bob amser.

Mae gan bob un ohonom gyfrifioldeb i gefnogi ein gilydd ac i gyfeirio cydweithwyr at y gwahanol adnoddau cymorth sydd ar gael. Mae dolen cymorth Costau Byw ynghlwm [Lles ariannol \(sharepoint.com\)](#) a [Undebau Llafur \(sharepoint.com\)](#)

Bydd y cyfarfod Bwrdd nesaf ar 24 Tachwedd 2022 ac rwy'n gobeithio y byddwch i gyd yn gallu cysylltu trwy'r ddolen Zoom neu [wylïo'r recordiad ar ôl iddo gael ei uwchlwytho](#).

Yn ogystal, ceisiwch wrando ar y sesiynau briffio staff misol. Mae'r rhain yn gyfle gwyh i gael y newyddion diweddaraf o'r wasg ac i siarad â'r Prif Weithredwr, fi ac uwch arweinwyr eraill ar draws ystod o feysydd diddordeb. Os gallwch chi neilltuo ychydig o amser, byddai hynny'n wych.

Cymerwch ofal a dymuniadau gorau

Sarah-Jane Taylor

Cyfarwyddwr Pobl a Datblygu Sefydliadol Executive
Board - Director of People & Organisational
Development

